



2020 йил «8»апрел № 08-76 «    »      20     года

**Ўзбекистон Республикаси адлия вазирининг  
2020 йил 24 мартдаги 68-ум-сон буйруғи ижросини  
таъминлаш тўғрисида**

Тошкент давлат юридик университетида кадрлар сиёсатини белгилаш ва кадрлар билан ишлаш тизимини янада такомиллаштириш, шунингдек, Ўзбекистон Республикаси Адлия вазирлиги хайъатининг 2020 йил 16 мартдаги 3/20-сон қарори ижросини таъминлаш мақсадида

**Б У Ю Р А М А Н:**

1. Ўзбекистон Республикаси адлия вазирининг 2020 йил 24 мартдаги “Адлия органлари ва муассасаларида кадрлар сиёсатини белгилаш ва кадрлар билан ишлаш соҳасига оид ҳужжатларни тасдиқлаш ҳақида” 68-ум-сон буйруғи (кейинги ўринларда – буйруқ) раҳбарлик ва ижро учун қабул қилинсин.

2. Буйруқ билан:

Адлия органлари ва муассасаларида кадрларни танлаш ва жой-жойига қўйиш, кадрлар захирасини шакллантириш ҳамда улар билан ишлаш тартиби тўғрисидаги низом;

Адлия органлари ва муассасалари ходимлари томонидан вазифаларни бажаришда коррупцияга оид ҳуқуқбузарликлар содир этилишининг олдини олиш тартиби тўғрисидаги низом тасдиқланганлиги;

Ўзбекистон Республикаси адлия вазирининг 2018 йил 7 июндаги “Адлия органлари ва муассасаларида кадрлар билан ишлаш тартибига оид ҳужжатларни тасдиқлаш ҳақида”ги 185-ум-сон ҳамда 2019 йил 18 апрелдаги “Ўзбекистон Республикаси адлия вазирининг 2018 йил 7 июндаги “Адлия органлари ва муассасаларида кадрлар билан ишлаш тартибига оид ҳужжатларни тасдиқлаш ҳақида”ги 185-ум-сон буйруғига ўзгартириш ва қўшимчалар киритиш ҳақида”ги буйруқлари ўз кучини йўқотган деб ҳисобланиши инобатга олинсин.

3. Кадрлар бўлими (А.Матмуротов):

университетга номзодларни ишга қабул қилиш масалаларини ҳар бир ҳолатида синчковлик билан ўрганиб чиқсин ва қонун ҳужжатлари талаблари асосида ҳал этилишини таъминласин;

ишга қабул қилиш билан боғлиқ **танлов жараёнларини аудио ва видеоёзувларда мажбурий қайд этиб борсин** ҳамда Адлия вазирлигининг расмий веб-сайтида реал вақт режимида трансляция қилинишини таъминласин;

кадрлар захирасини ҳар бир бошқарув ходим лавозими бўйича шакллантирсин ва захирага киритилган номзодларнинг бўлажак лавозим бўйича назарий ва амалий билимларини ошириб борсин;

**вакант лавозимни биринчи навбатда қуйи лавозимда ёки қуйи тизимда ишлаб келаётган, захирага киритилган номзодлар орасидан суҳбат натижаларига кўра танловсиз тўлдириш чораларини кўрсин;**

ушбу буйруқ талаблари билан барча ходимларни таништирсин;

**ходимларни хизмат фаолияти давомида ушбу буйруқда белгиланган қоидаларга сўзсиз риоя этишлари лозимлиги ҳамда унга риоя этмаган ходимларга нисбатан қатъий интизомий жазо чоралари қўлланилиш ҳақида огоҳлантирсин.**

4. Канцелярия (Х.Абдуллаев) мазкур буйруқни университетнинг барча таркибий бўлинмалари эътиборига етказсин.

5. Ушбу буйруқнинг бажарилишини назорат қилишни ўз зиммамда қолдираман.

Адлия вазири  
ўринбосари – ректор

Р. Ҳакимов